



Broj: 04-40-1-21/24
Sarajevo, 22.01.2024. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ **za period od 08:30 sati 19.01.2024. do 08:30 sati 22.01.2024. godine**

Kantonalni operativni centar civilne zaštite Kantona Sarajevo je dana, 20.01.2024. godine u 18:10 sati primio informaciju od KJKP Sarajevogas, da je na dojavu primljenu od osoblja hotela „Ibis Styles“, u ul. Džemala Bijedića br. 169 A, Općina Novi Grad, da se u njihovim prostorijama osjeti plin, na teren izašla ekipa iz KJKP Sarajevogas i mjerenjem ustanovila da se ne radi o zemnom plinu koji distribuira KJKP Sarajevogas i da istog nema u zraku, ali da se osjeti koncentracija plina propan-butan. Dežurni u Kantonalnom operativnom centru civilne zaštite o navedenom je odmah obavijestio direktora Kantonalne uprave civilne zaštite Kantona Sarajevo i njegovog pomoćnika za mjere zaštite i spašavanja, te Profesionalnu vatrogasnu jedinicu Kantonalne uprave civilne zaštite Kantona Sarajevo. Na lice mjesta odmah je izašao direktor Kantonalne uprave civilne zaštite Kantona Sarajevo, kao i tri ekipe Profesionalne vatrogasne jedinice, te pripadnici policije, ekipa hitne medicinske pomoći i Elektrodistribucije Sarajevo. Ustanovljeno je da je došlo do kvara na benzinskoj pumpi, koja se nalazi neposrednoj blizini navedenog hotela, te se iz mjera predostrožnosti pristupilo evakuaciji gostiju i osoblja iz hotela „Ibis Styles“.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su 11 intervencija, od čega jednu veću požarnu intervenciju, devet manjih intervencija i jednu intervenciju evakuacije većeg broja lica.

Veća intervencija se dogodila dana 19.01.2024. godine u 16:44 sati, kada je i primljena informacija o požaru u prizemlju stambenog objekta u ulici Hamida Beširevića br. 97 (naselje Breka, Općina Centar). U akciji gašenja požara je učestvovalo 10 vatrogasaca sa dva vatrogasna vozila. Požar je lokalizovan u 17:20 sati, a u potpunosti likvidiran u 18:42 sati. Povrijeđenih lica nije bilo.

Manje intervencije se odnose na gašenje otpada u napuštenom objektu (1), gašenje zapaljenih dimnjaka (4), gašenje zapaljenog otpada u kontejneru (2), gašenje zapaljenog ormara u stambenom objektu (1) i otvaranje zaglavljanih vrata lifta (1).

Intervencija evakuacije gostiju i osoblja hotela „Ibys Styles“ bila je u večernjim satima dana 20.01.2024. godine.

NAPOMENA: U protekla 24 sata pripadnici Profesionalne vatrogasne jedinice Kantonalne uprave civilne zaštite Kantona Sarajevo imali su šest intervencija. Tri intervencije se odnose na gašenje zapaljenih dimnjaka, dvije na gašenje zapaljenog otpada u kontejneru i jedna na otvaranje zaglavljanih vrata lifta.

Elektrodistribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetske postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdjevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -11C, vlažnost zraka 91%, barometarski pritisak 957,8 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA

Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a